

**'Sëedhε 'ö Pölö -ya bɔ
Yesu -wun -dhε 'wun gia- -mε
-nu 'wo
Kolɔsö
plöö -an -dhë bhë 'ö □nε**

'Sëedhε 'ö □nε -a □bεnme

¹ Ma Pölö, 'ö -kë -Zlan -zo 'kun -wun 'ka kö 'a kë Yesu Klito -bha bɔmε 'ka, yië- kwa dheglu 'nëgɔɔnzë Timote,

² 'yi 'sëedhε 'ö □nε -a bɔ mε 'ka yi dhegluzë -nu 'ö -Zlan -yö ka sü ö -bha 'ka 'ö 'ka -klu -sü 'ka Klito -bha 'kpëdhö, 'ö 'ka Kolɔsö plöö ka -dhë 'ö □nε. Yië- Timote yi- 'piö kö kwa Dë -Zlan -yö 'glusë kë ka 'ka, kö -yö ka gbaa □zuöyagluu 'ka.

*Pölö waa- Timote -an -bha -Zlan zuö pö -sü
waa- -bhεa Kolɔsö -mε -nu -wun 'gü -sü*

³ □Ya kë yi □bhεa' -na, -Zlan 'ö kwa Dëmε Yesu Klito Dë 'ka bhë, 'yi- zuö pö -kplawo ka -wun 'gü.

⁴ Bhii 'ö tɔɔ ka -bha -zo -yö Yesu Klito -bha -sü waa- ka -bha -dhɔ, 'ka- -kë -Zlan -bha mε -nu 'kpεkpe 'ka bhë, 'yië- ma (Epaflasö 'dhii).

⁵ -Zlan -bha 'wun giagia -naɔ 'ö -kë 'wuntaɔsë 'ka bhë, □dhε 'ö -wo ka -ta -blëezë 'ka, yö □nε 'ö pë -nu 'ö -Zlan 'dhö -a -ya -na ka -gɔ dhang- 'gü 'ö ka -zo 'dhoë- -dhë bhë, 'ö- -zɔn ka -dhë.

-Kɔ bhë -a 'ka, ka -bha -zo -yö -Zlan -bha -sü waa- ka -bha -dhɔ -kë ka 'kuë -sü 'wo bhë 'ö -an -gen -yö -gban pë -nu 'ö ka 'yan 'dhö -a -gɔ, 'wo

-kë pë -nu 'ö -Zlan -yö -an -ya ka -go bhë -a 'ka dhang- 'gü.

⁶ 'Wuntaosë 'ö bhë -yö -pen -sü 'gü; -a 'piö -pë -nu 'wo -kë 'dhuë- 'ka, -wo 'kpɔ -na 'kpongtaame -nu 'kpekpe -bha ꞑne -ko 'ö- kë -na -a 'ka ka -go 'së 'gü bhë -a 'dhö, 'ö sü yi -blëzë 'ö 'ka -Zlan -bha 'glusë 'ö bhë, 'ka- -wun ma -a -bha. Yi bhë ꞑne 'ö -Zlan -bha 'glusë bhë, 'ka- ꞑlöö giagia ma -a 'ka 'fëfëdhö 'pö.

⁷ Epaflasö, 'ö yi -nu 'yi yuö kë -na yi 'kuë- 'nö bhë, yö ꞑne 'ö ka ꞑdaan 'wuntaosë 'ö bhë -a 'ka. Yuö 'ö- kë -na 'ma bhë, -ya -kë yi -bha kë 'ka, 'ö tɔɔ Klito -bha yuökëme, 'ö me -yö -mɔ -a -bha kö -yö 'ö -zo yö -a këyuö -bha yö -mü -a 'ka.

⁸ Yö ꞑne 'ö 'wun 'ö -gban -dho 'ö -Zuu 'slööslö -ya -ya ka 'gü 'ö 'ka- kë -na -Zlan -bha me -nu 'kpekpe 'ka bhë, 'ö- -wun ꞑblëe yi -dhë.

⁹ -A -wun 'gü, 'ö go 'töng 'ö 'wun -nu 'wo -gban ka -bha, 'yi- ma, 'ö dho 'ö yöë 'töng 'ö ꞑne -a -bha, yi ꞑbhëa' -na ka -wun 'gü -kplawo. Yi- -dhe -Zlan -go ꞑbhëa' -sü 'ka kö -yö ka pa 'wundodhe 'ö -gban -a -zo 'kun -wun -bha -a 'ka. 'Go mü 'zü kö 'kpaakpadhe waa- 'wunbhokoudodhe 'ö go -Zuu 'slööslö 'piö -yö kë ka -go.

¹⁰ -Yö kë 'dhö kö ka -bha -tosiadhe kë -ko -yaan kwa Dëme ꞑbhlë -ya, kö 'kaan- -a -dhi -a -dhë -wun kë ka këwun -nu 'saadhö 'gü. ꞑYa kë ꞑne 'ka- kë 'dhö, ka -dho -mɔ -a -bha kö ka këyuö 'saadhö -waan kë -së, kö 'kaan- 'dho 'dhiö ka -bha -Zlan dɔ -sü 'ka -kplawo.

¹¹ Yi- -dhe -Zlan -go 'pö kö -yö ka ꞑfaan' 'më -ko 'kpekpe -ta, -a -bha 'piigbeedhe 'ö- 'dhiötodhe 'yaa 'dhö bhë -a 'ka. -Yö kë 'dhö kö 'ka bɔ 'wun

'gbee- -nu 'kpekpe 'gü □zuösaadhe 'ka.

¹² -Ka kwa Dë -Zlan zuö pö 'gludhi 'ka! Bhii yö □ne 'ö- -kë, 'ö 'ka kë -a -bha koo 'në -nu 'ö pë -nu 'ö -an -ya me -nu 'wo- -bha 'ka -an -gö, -gludëdhe -pö 'ö -dhepuudhe 'gü dhang- 'gü -a 'gü bhë, 'ö 'wo -kë ka -bha 'ka.

¹³ -Zlan □ne 'yö kwa bho -dhetiidhe -bha 'piigbeedhe kwëë, 'ö kwa -ya ö Gbö -dhökësüzë Yesu Klito -bha -gludëdhe -bha 'ka.

¹⁴ Yesu Klito bhë □ne 'ö kwa -gö -ta -bo dü -gö, 'ö- 'sia- 'gü, 'ö -Zlan -yö -ziö kwa -bha □soon yaa -nu -ta.

Me 'ö Yesu Klito 'dhö -a 'ka waa- -a këyuö

¹⁵ Klito 'ö bhë, -Zlan 'ö me gbe 'yan 'yaa -kpën -a -bha, -a 'bin -mü. Yö □ne 'ö too -Zlan 'ö kwa Dë 'ka bhë, -a -bha 'në -blëëzë; -yö -Zlan -bha -kë □kwaa' -pë 'kpekpe □suu' - 'saadhö -ta dhuö -me 'ka.

¹⁶ Bhii pë 'kpekpe 'ö -Zlan -ya -kë, -ya -kë -bo Yesu 'gü -sü 'ka; -a me -nu 'wo 'kpongtaa 'iin 'wo dhang- -nu 'gü, -a me -nu 'wo me 'yan 'dhiö oo, -a me -nu 'waa me 'yaan 'dhiö oo, -zuu □suu' - 'kpekpe 'ö 'piigbeedhe 'dhö -an -gö bhë, -Zlan -yö -an 'plesen -do Yesu Klito kwëë, 'yö -an -kë -a -bha 'ka.

¹⁷ Yesu Klito -yö -kë -dhö kö -Zlan yaa pë gbe -da □kun. -A -bha 'piigbeedhe □ne 'ö- kë -na, 'ö pë 'kpekpe 'ö -an -kë 'ö 'wo 'to -sü 'ka wo pin □taa.

¹⁸ -Zlan -bha me -nu 'kpekpe -dho 'kuë- -sü □tei' -yö -kë □ne me 'bhee- -lü 'böü dosen 'kpaan 'dhö, 'ö Yesu Klito -yö -kë me -lü 'böü 'ö bhë -a -gö 'ka. Yesu Klito 'ö bhë, 'yö too pë 'kpekpe züdodhe. Yö

do bhë 'zü, 'ö go ga 'gü -blæzë 'ka, -yö kē 'dhö kö 'ö kē mε -blæzë 'ö 'dhiö pē 'saadhö 'gü -a 'ka.

¹⁹ Bhii -a 'yi -yö -kan -Zlan -dhë kö 'ö kē ö Gbö Yesu Klito 'gü ö 'plε 'ka.

²⁰ -Yö kē 'dhö kö 'ö bɔ ö Gbö 'gü kö waa- ö -kɔ kēpē 'saadhö 'wo 'kpongtaa oo, 'iin 'wo dhang-nu 'gü oo, kö 'wo dhi 'kuë kö □zuöyagluu -yö kē -dhö. □Zuöyagluu 'ö bhë -Zlan -yö □bɔa' ö Gbö 'ö ga -gaatalü -bha, 'ö- fɛi -yö -lo bhë -a 'gü, 'ö- nu ö -kɔ kēpē -nu 'saadhö 'wo bhë -an -dhë.

²¹ Ka -de 'pö, ka -kē -Zlan 'ka □gbiin 'dhiö -bezë, 'ka -kē -Zlan yaagümε -nu 'ka, bhii ka -bha -zotadhe -nu waa- ka këyuö -nu -wo -kē yaya.

²² 'Kεε zlöö □nε, ga 'ö- Gbö -ya wo ö mεbheedhε -bun 'gü bhë, -Zlan -yö -bɔ -a 'gü, 'yö -dhi 'kuë -da ka -nu ka ziën. -Yö -ga 'dhö, kö -Zlan wö 'dhiö, 'kaan- kē -a -bha mε -nu 'ö -an sü 'ö -an -ya -de -ta -an 'ka, kö ka □zuö' -yö kē 'puu; □ya kē 'dhö 'wun yaa gbε 'ka 'dho kē ka -bha.

²³ 'Kεε ka □dua' -mü kö 'ka 'to ka -bha -zo -yö -Zlan -bha -sü 'ö- -gɛn 'dhö -gban -sü 'ka kpinngdhö bhë -a -ta.

'Ö go yi 'ka 'wuntaɔsë maa -a -bha, 'ö dho 'ö yöë □dεε -bha kö □kun 'ka bhɔ 'yan -to -a -gɔ -pē 'ö ka -bha 'ka -a -dhë □taa'. 'Wuntaɔsë 'ö bhë 'wo- □blæε mε 'bhee- 'plɛsɛn 'wo 'kpongtaa zö -an -dhë. Ma Pɔlö, ma yuö □nε 'ö tɔɔ 'wuntaɔsë 'ö bhë -a □blæε' -sü.

□Wa 'ö Pɔlö -ya -bhö Yesu Klito -bha yuö 'piö

²⁴ Dɔ 'ö 'kwa- wo □nε, n □zuögludhi -sü -mü □wa 'a- -bhö -na ka -wun 'gü -Zlan -bha yuö 'gbloo 'piö bhë -a -wun 'gü. -A mε bhë, -a □bhlë □yö □va.

A- 'wun -do □ne Klito -bha me -nu dho 'kuë- -sü 'ple -wun □ne 'ö 'a- □wa -bhö -na bhë. -A -kë 'dhö -sü 'gü, □wa 'ö me -nu 'ö 'wo Yesu Klito -bha 'ka, 'ö 'wo dho -a -bhö -be bhë, 'ö ma gia- 'a n -ma -bhö -na □klöödhö bhë.

²⁵ -Zlan -yö n -sü kö 'a kë ö bha yuökëme 'ka -a -bha me -nu ziën; -ya 'kluën bho n -ma 'dhö kö 'aan- kë ka -dhë. Yuö bhë 'ö tɔɔ 'wun -nu 'wo -gban -a -bha 'wuntaosë -bha kö 'aan- □bleε'- -kɔ 'ö- 'ka -a 'ka.

²⁶ 'Wun bhë 'ö tɔɔ pë 'ö -kë -bin -sü 'ka -bezë me 'ple -gɔ □kwɛzü 'mɔmɔ bhë, □yaa- yö me -nu 'wo- -bha 'ka -an -dhë -dhegbɛadhɛ 'gü 'sabla.

²⁷ Pë -kë 'ö 'yi Yesu Klito -wun □bleε me 'saadhö -dhë bhë yö □ga □ne: -Yö -dhi -Zlan -dhë kö pë 'ö -kë -bin -sü 'ka 'ö 'gianzë -kɔ □suu'- 'saadhö -ta 'ö- □bhlë 'dhö □va 'sönggö -sönggö bhë, -ya -zɔn ö -bha me -nu -dhë. 'Wun 'ö bhë -yö 'kpongtaame -nu 'kpekpe, 'wo 'sɛgɔ 'saadhö 'gü, -an -bha 'ka; 'ö tɔɔ Yesu Klito -yö ka □zuö' 'gü. 'Yö- -kë 'ö 'ka -a 'wun giagia do □neε -Zlan -yö -dho ö -bha □bhɔɔpë -glu ka -nu ka 'ka.

²⁸ Yi me -nu -zo -büö, 'ö 'yi -an □daan -gleng 'ka, pë -nu 'wo □ne -an 'ka. -Yö -kë 'dhö kö me -nu 'kpekpe 'wo -klu -sü 'ka Yesu Klito -bha, -wo kë me -kiansü 'ka Klito 'gü.

²⁹ Yuö □suu'- 'ö bhë 'a- kë -na 'gbee- 'ka □faan' □va 'ö n 'gü 'ö go Yesu Klito 'gü 'ö- nu n -dhë bhë -a 'ka.

2

¹ Me -nu 'ö waa wo 'yan do n -ma do □ne Koloso -me -nu ka 'dhö, 'iin □ne me -nu 'ö 'wo Laodise

-an 'dhö, a- 'piö kö 'ka- 'wun do □ne, yuö □suu'- 'gbeeze 'a- kë -na ka -wun 'gü bhë, □ya kë n -go zlöo □ne 'ko zë -sü 'dhö.

² 'Ko □suu'- 'ö bhë, 'a- -zë 'dhö kö ka □faan'- yaan 'më kö 'kaan- kë do -dhö -kë 'kuë -sü 'gü. 'Go mü 'zü, kö 'wun -nu 'wo -gban -Zlan -bha pë 'ö -bin -sü 'ka -an -bha, 'ka- -gen ma, kö 'ka -an do kpinngdhö. Ka □dua'- mü 'ka me 'ö Klito 'dhö -a 'ka, 'ka- do 'wundodhe □va 'ka.

³ Bhii Klito do □ne, 'ö- -ko -yö -moa -bha kö -yö 'wun bho 'kou do -sü 'yö 'gianzë □duö -a nu me -nu -dhë, kö pë -nu 'ö 'wo 'wun giagia 'ka kö -waan do.

⁴ 'Wun -nu 'wo □ne a -an -bleε ka -dhë 'dhö 'ö töo 'maa- 'piö kö me 'waa gbε -yö □sua -wun 'neεneε -nu □bleε'- ka -dhë kö 'kaan- -püö.

⁵ 'Kö -kë □ne a -kë ka 'ka □gbiin 'dhee, n □zuö' -yö ka 'piö 'ma -kplawo. 'Go mü 'zü, n 'gludhi -sü -mü 'ö töo 'kaa pë gbε □kaan' 'kuë 'iin ka -bha -zo -yö Klito -bha -sü bhë -yö 'kpedhö.

-Tosiadhe 'ö Klito 'gü

⁶ □Dhe 'ö -kë □ne me □daan' -wo 'ö -kë Yesu Klito, -yö kwa Dëme 'ka, □ya ka -zo 'kun bhë, kö ka 'ta -sü -ko -yö kë □ne me 'ö -klu -sü 'ka Yesu Klito -bha -a -bha 'dhö.

⁷ -Ka 'to -klu -sü 'ka -a -bha; -ka ka -bha -tosiadhe 'kpekpe -da Klito 'gü! 'Go mü 'zü, kö ka -bha -zoyösü -gen -yö -gban kpinngdhö Yesu -ta, -yö dhoë 'dhiö -kplawo □ne -ko 'ö 'wo ka □daan -a 'ka bhë -a 'dhö. 'Go mü 'zü, -ka -Zlan zuö pö yi 'kpekpe 'ka, ka □zuö' 'ple 'ka, pë 'ple -wun 'gü!

⁸ -Ka kë 'slë 'ka kö □kun 'ö me gbε -yö ka -dian -kë 'ö -bha 'wundodhe 'flëë 'ö me -nu -püö -wo 'ka

bhë -a 'ka! Bhii 'wundɔdhe □suu'- -nu 'wo bhë, -wo -go me 'bhee- -nu 'kpaan 'wawa 'gü; 'ö tɔɔ 'wun -nu 'wo bhë, -wo -gban -zuu □suu'- 'kpekpe 'ö 'piigbeedhe 'dhö -an -go 'wo 'kpongtaa -an -go. Waa 'go Klito 'piö.

⁹⁻¹⁰ Klito 'ö bhë, -zuu □suu'- 'kpekpe 'ö 'piigbeedhe 'dhö -an -go, -yö -an □kɔɔnmɛ 'ka. Klito 'ö bho mɛbheedhe -kwi 'gü bhë, yö □nɛ 'ö -Zlan 'dhö -ya -sü 'ka -a 'gü 'ö 'plɛ 'ka. 'Ö □ya kɛ □nɛ, 'ka -klu -a -bha, pɛ 'saadhö 'ö -Zlan -ya nu mɛ -nu -dhë bhë, -yö -dho kɛ ka -go 'fɛfɛdhö.

¹¹ Ka -bha 'klu Klito -bha -sü 'gü, 'ka go 'bong 'pö □nɛ -ko 'ö Zuifö -nu -bha wɔ -ko 'dhö -a 'ka bhë -a 'dhö. 'Kɛɛ 'bɔn 'yö bhë, yaa kɛ 'bɔn zɛ -sü 'ö mɛ bun -bha -a 'ka; 'kɛɛ Klito □nɛ 'ö ka bho ka -bha wɔ -ko yaa -nu 'gü; ka bun 'plɛ 'yaa □sɔɔn yaa -bha □nuadhe 'gü gbɔ.

¹² 'Ö tɔɔ □nɛɛ, □wa ka bɔ yiö; -ya -zɔn □nɛɛ kaa- Klito -nu 'ka ga. □Wa ka -bin 'ö -Zlan □ya ka -nu ka bho ga 'gü. Ka bho 'ö- wo ga 'gü bhë, -a -gen tɔɔ ka ka -zo -yö -Zlan 'ö Klito bho ga 'gü bhë, -a -bha 'piigbeedhe -a -bha.

¹³ 'Dhiö -bezë (kö kaa Yesu -wun -dhe 'wun gia- □kun bhë), -tosiadhe -dëü yaa kɛ ka -go. Ka □tɛi' -yö -kɛ -Zlan wö 'dhiö □nɛ mɛ -nu 'ö □wa ga -an 'dhö. 'Yö tɔɔ ka -kɛ □sɔɔnyaame -nu 'ka. 'Go mü 'zü, 'ö kaa kɛ -Zlan -bha 'sɛgümɛ -nu 'ka. 'Kɛɛ zlöö □nɛ, kaa- Klito -nu -Zlan □ya ka bho ga 'gü; □ya ziö kwa -bha □sɔɔn yaa -nu 'kpekpe -ta.

¹⁴ Kɛ 'ö- wo 'dhiö -bezë bhë, -Zlan -bha za -yö -kɛ -lo -sü 'ka kwa tuö. -A -gen 'ö tɔɔ kwaa -Zlan -bha tɔng -nu □bhlɛ -ya. 'Kɛɛ -Zlan □ya kwa -bha

□soon yaa -nu 'wo bhë, □ya ziö -an -ta -an -lo -sü 'ka Klito -ta, 'töng 'wo- □dua' -gaatalü -bha bhë -a 'ka.

¹⁵ 'Töng 'ö Klito -yö ga -a 'ka -gaatalü -bha bhë, -yö -to -a 'gbee- 'ka, -zuu yaa □suu'- 'kpekpe 'ö 'piigbeedhe 'dhö -an -go -an -ta, -a -zön -sü 'ka -dhegbeadhe 'gü 'kpongtaame 'kpekpe wö 'dhiö □ne yö □ne 'ö 'piigbeedhe 'dhö ö -go 'ö □zië' -an 'ple -ta. 'Go mü 'zü 'ö- 'to 'dhö □va 'ö □zië' -an 'ple -ta.

¹⁶ □Dhe 'ö □ya kë 'dhö bhë, kö □kun 'ö 'ka 'we -a -bha 'ö me 'waa gbe -yö za -nu do ka -bha, ka -bha -bhöpë 'iin ka -bha müpë -nu -wun 'gü. 'Iin kö □kun me 'waa gbe -yö za -nu do ka -bha 'zü, -a -pö ka -dhë -sü 'ka □neε: -Më -kë 'ö Zuifö -nu -bha 'wlaan- -nu 'wo -kwe -bha, 'wo 'su -bha, 'wo 'dhoo go -bha, 'kaa -an □bhlë -ya -ε?

¹⁷ Pë -nu 'wo bhë 'töüdhö, -wo kë -sü 'ka □ne pë -nu 'ö 'wo dho nu 'keε 'ö waa nu □kun -an 'bin -nu 'dhö. 'Keε Klito □ne 'ö pë -nu 'wo bhë -a -de giagia 'ka.

¹⁸ Kö □kun 'ka -we -a -bha kö me 'waa gbe -yö za -lo ka tuö -a -pö -sü 'ka ka -dhë □neε: Ka □dua' -mü kö 'ka ka -de 'sü 'tee 'iin kö 'ka -Zlan -bha bome -nu gba. 'Iin 'zü 'wo- pö □neε -Zlan □ya 'wun 'bhaa -nu -zön wo -dhë 'yanpiöpë 'gü. Me -nu □suu'- 'wo bhë, -wo wo -de -sü □va 'kpaan 'wawa. -An -bha -zotadhe -yö -go 'kpongtaa zö □zian'.

¹⁹ Me -nu 'wo bhë 'waa 'we -a -bha kö 'wo -klu Klito 'ö -ya -sü 'ka ö -bha me -nu -dho 'kuë- -sü kwa -go 'dhiö bhë -a -bha. (Wo -de -püö 'wo- wo). Bhii ka -de gia- ka- -do □ne, me 'oo me 'ö -klu -sü 'ka Klito -bha bhë, -a -bha □faan' -yö -go Klito 'gü,

'ö wo -nu 'wo -klu -sü 'ka wo 'kuë- bhii -naa gbε
 'yaa -an ziën □ne -ko 'ö mε 'bhee- do -nu 'dhö -a
 'ka mε buën- bhë -a 'dhö; pë 'ö -an ziën 'dhö bhë
 'ö -kë □ne mε □mlëë waa- mε -gen -an -yö 'ko tuö
 -dhe -nu 'ö mε ga -nu -klu -na 'kuë- bhë -a 'dhö.
 Klito -yö ö -bha -to ö 'piö -mε -nu -lo 'kuë- kö
 -waan kë □ne mε -lü dosen 'dhö. Yö □ne 'ö Yesu
 -bha mε -nu -dho 'kuë- -sü 'ka, -yö kë 'dhö kö -wo
 □kpea' □ne -ko 'ö- 'ka -Zlan -zo 'kun -wun 'gü bhë
 -a 'dhö.

²⁰ □Dhe 'ö -kë □ne kaa- Klito -nu 'ka ga bhë, kö
 'ka 'go -zuu yaa □suu'- 'kpekpe -nu 'ö 'piigbeedhe
 'dhö -an -go 'ö 'wo 'kpongtaa bhë -an 'piö. -Më 'ö
 -kë 'ö 'ka ka -bha -tosiadhe -kë □ne 'kpongtaame
 -nu 'ö -zuu yaa 'piigbeezë -yö -an □koon -an 'dhö
 e? -Më 'yö -kë 'ö 'ka -we -a -bha 'ö 'wo ka 'gbee-
 -ta bho wo -bha tong -nu 'ka □ne -ko 'ö 'ka □tun
 -a 'ka 'kpongtaa -a 'dhö e? 'Ö too -wa -pö ka -dhë
 □nεε:

²¹ «Pë □suu'- 'bhaa -nu 'wo □ne kö □kun 'ka -an
 sü, -an 'bhaa -nu 'wo □ne kö □kun 'ka -an -bhö,
 -an mε -nu 'wo □ne kö □kun 'ka pa -an 'ka!»

²² Tong -nu 'wo 'dhö bhë, -wo -go mε 'bhee- -nu
 -bha -zotadhe 'gü, waa 'go -Zlan 'piö, 'wo too pë
 -nu 'wo -ghan -an mε 'ö wo 'ka dho to, 'wo -an do
 -na ka -dhë bhë; -Zlan -yö -an -nu kwa -dhë, kö
 'kwaan- -an kë -bhöpë 'ka 'iin kö 'kwa kwa -bha
 -wun kë -an 'ka.

²³ 'Wun gia- -mü, tong □suu'- -nu 'wo bhë, -wo
 -kë mε 'bhee- -nu wö 'dhiö □ne tong 'ö- 'kun -sü
 'dhö -së -an 'dhö. Bhii -wa -kë kö -zuu 'piigbeezë
 -nu, 'ö 'waa mε gbε 'yan 'dhiö bhë kö mε -nu -wo
 -an gba □ne -ko 'ö -an □zuö' 'piö bhë -a 'dhö. 'Iin

'zü, 'wo- -kë kö -waan wo -de □yoon sia-. 'Go mü 'zü kö -waan wo -de bun 'klo bho. 'Kεε tong -nu 'wo bhë, -an □bhlë 'yaa 'dhö, 'ö tɔɔ -ko -moa -bha -sü gbε 'yaa -an -go kö -waan nu mε 'bhee- -dhë -zo -kë -de bun 'piö -sü -bha.

3

¹ □Dhe 'ö -kë □ne kaa- Klito -nu 'ka 'go ga 'gü bhë, kö pë -nu 'ö 'wo dhang- 'gü, -dhe 'ö Klito 'dhö -ya -sü 'ka -Zlan □kwεεgüdhε gia- 'ö □bhlëzë -a -bha bhë, wo □ne 'ka dho -an □mεε'- kö 'kaan- an yö.

² 'Ka ka -zo bho 'kpongtaapë -nu 'piö kö 'ka ka 'yan -klu pë -nu 'wo dhang- 'gü bhë -an -bha!

³ Bhii ka ga -sü 'ka 'kpongtaapë 'kpekpe -nu -go, 'ö tɔɔ ka -bha -tosiadhe -dëü waa- Klito -wo -bin -sü 'ka -Zlan 'gü.

⁴ Ka -bha -tosiadhe giagia 'ö tɔɔ Klito. 'Töng 'ö Klito dho -wo -a 'ka 'kpongtaame -nu 'kpekpe 'yan 'dhiö bhë, ka -de 'pö, ka -nu ka -dho -wo -a 'ka 'kpongtaame -nu 'ple 'yan 'dhiö; 'yö- -bha 'tɔbhödhe 'ö bhë, 'yö ka -nu 'ka dho kë -a 'gü.

'Wun 'ö -gban -tosiadhe zii waa- -tosiadhe -dëü -an -bha

⁵ □Dhe 'ö 'ka ga 'kpongtaapë -nu -go bhë, kö -ka ka □kwaa'- pë yaa □suu'- 'saadhö 'ö -kë ka -bha -tosiadhe 'gü -an -zü! -Yö -kë 'nuëbo 'kun -sü 'ka oo, -da dhe 'piö -sü 'ka oo, □mlaabɔ 'kun -sü 'ka oo, -zotadhe yaa 'ö -gban □soon kë -sü -bha oo, □zuöyaadhe 'ö -kë -Zlan wö 'dhiö □ne gbapë -nu gba -sü 'dhö, waa- -to pë -nu 'piö -ziöggösüzë 'ka -sü 'wo bhë 'saadhö, -ka ka □kwaa' -an 'ple -zü!

⁶ Wɔ -kɔ ɔ̄sɯu'- -nu 'wo bhë, 'yö -an -wun 'gü, 'wun -yö na -Zlan -zuë, 'yö dho za -lo mɛ -nu 'ö 'waa- ɔ̄bhlë -ya bhë -an tuö.

⁷ ɔ̄Dhɛ 'ö 'ka -kë ɔ̄sɔɔn yaa -nu 'wo bhë -an -bha 'gan 'gü -bezë, ka -kë wɔ -kɔ ɔ̄sɯu'- 'ö 'dhö bhë -a 'gü.

⁸ 'Kɛɛ zlöö ɔ̄nɛ pë -nu 'ö 'wo -gban -naadhe -bha 'iin ɔ̄zuö' 'dhiö- -dhɛ -bha 'iin 'zü ɔ̄zuö' 'piö yaa -dhɛ -bha, -ka ka -kɔ bho -an 'gü! Kö ɔ̄kun mɛ gbɛ -yö 'si bho mɛ -gɔ 'iin kö ɔ̄kun 'ö mɛ gbɛ -yö 'dhi yaa 'dɔɔ dɔ!

⁹ 'Go mü 'zü kö ɔ̄kun 'ka ɔ̄sua -kë ka 'ko -nu -gɔ! 'Ö tɔɔ 'ka ka -loo zii waa- ö kë -kɔ -nu bho ka -bha.

¹⁰ 'Ö -Zlan -yö ka gbaa ɔ̄sɔɔn -dëü 'yö dho -a ɔ̄dhië' -kwaa 'dhö -kplawo kö -yö 'dho, -yö kë ɔ̄nɛ yö 'ö mɛ 'bhee- -nu -kë bhë -a -de ɔ̄sɔɔn 'dhö -a 'ka. Bhii -kɔ do bhë, 'ka dho dhoë kö 'ka -Zlan ɔ̄dɔa' 'fɛfɛdhö.

¹¹ Mɛ 'oo mɛ 'ö bɔ zian ɔ̄sɯu'- 'ö ɔ̄nɛ -a -ta, -yö Zuifö 'ka oo, 'yaa Zuifö 'ka oo, -yö -go 'bɔn 'iin 'yaa 'go 'bɔng, 'iin mɛ -nu 'ö -an wɔ -kɔ 'yaa ɔ̄nɛ Glökö -mɛ -nu -bha 'dhö 'iin 'wo -wɔ ɔ̄nɛ ɔ̄kwɛzümɛ -nu 'dhö oo, -yö -kë ɔ̄nua 'ka 'iin 'yaa ɔ̄nua 'ka oo, pë -nu 'wo bhë -an ɔ̄bhlë gbɛ 'yaa 'dhö. Pë do 'ö 'gianzë 'ö ɔ̄zië' pë 'plɛ -ta 'ö tɔɔ Klito 'ö mɛ -nu ɔ̄sɯu'- 'kpɛkɛ 'ö 'wo bhë 'ö 'wo -klu -sü 'ka -a -bha bhë, -yö -an 'gü.

¹² ɔ̄Dhɛ ɔ̄ya kë 'dhö, 'ka kë -Zlan -bha 'sɛgümɛ -nu 'ka, bhii ka -dhɔ -ya -kë, yö ɔ̄ga 'ö ka sü kö 'ka kë -a -bha 'ka bhë. Kö ka -bha wɔ -kɔ 'gü, -ka kë mɛ -nu 'yena yö -mɛ -nu 'ka, 'iin 'wunsëkëmɛ

-nu 'ka. Ka kë -de -yoon sia- -me 'ka. 'Go mü 'zü kö 'ka kë me 'lëälë 'ka 'iin 'zü □zuösaame 'ka.

13 -Ka kë 'lëälë -da -naadhe 'gü □dhia ka 'ko -nu buëndhö! 'Ö □ya kë □ne me 'bhaa □ya 'wun yaa -kë ka 'ka, -kaa -bha -wun 'to □ne -kō 'ö kwa Dëme -yö -ziö -a 'ka ka -bha □soon yaa -nu -ta -a 'dhö!

14 'Kεε pë 'ö- □bhlë 'dhö □va 'ö tōō kö 'ka ka 'ko -nu -dhō kë. -Dhō □suu'- 'ö bhë □ne 'ö dho ka -klu 'kuë- 'kpëdhö.

15 □Zuöyagluu 'ö Klito 'dhö -a nu -na ka -dhë bhë 'ö dho yö ka -dhë 'dhiö kö ka -bha 'ta 'sü -kō -nu 'ö ka 'ko -nu 'piö -yö kë □zuöyagluu □suu'- 'ö -Zlan -yö ka -dhe -a 'ka bhë -a 'gü. □Ya kë 'dhö kö ka -dho kë dosen 'kpaan □ne me -lü do 'dhö. -Ka -Zlan zuö pö pë -nu 'wo bhë -an -wun 'gü!

16 □Ya kë □ne 'ka 'dho ka 'ko □bhaa, -ka 'we -a -bha kö -wo 'ö -gban Klito -bha -wa □blεε'- ka -dhë ö 'plε 'ka! -Ka ka 'ko -nu □daan'- -Zlan -wo 'ö bhë -a 'ka! 'Go mü 'zü kö 'ka ka 'ko -nu □faan' 'më 'wun dō -sü 'ö go -Zlan 'piö bhë -a 'ka. -Ka 'tan -nu bho -Zlan zuö pö -sü 'ö ka □zuö' 'plε 'ka -a 'ka! -Ka 'Tan 'sëedhe 'gü -tan bho -Zlan 'piö! 'Go mü 'zü, -ka 'tan 'ö dho Yesu 'tō kë □va, 'ka -da 'iin 'tan -dhe -nu 'ö -Zuu 'slööslö -ya -zon ka -dhë, -ka -an -da 'pö!

17 Pë -dhe -nu 'ö 'wo dho kwa Dëme Yesu 'tō bhō, -ka -an kë ka këyuö waa- ka -bha 'wun □blεε' -sü -nu 'plε 'gü! -Zlan 'ö kwa Dë 'ka bhë, -kaa zuö pö pë 'plε 'ö bō -a 'ka Yesu Klito -ta 'ö- nu kwa -dhë bhë -a -wun 'gü!

'Kōōme -nu -bha wō -kō

18 Gwaan -dhoo -nu, -ka ka 'to 'to! Dhebo □dua' -mü kö -yaan ö -gō □yoon ö □gon -dhë sia-. Bhii

dhoo -nu 'wo -klu -sü 'ka kwa Dēme -bha bhē, -a -kē 'dhō -sü -yō -an -ma -kun.

19 Dhe -me dē -nu, ka -de 'pō, -ka ka 'to 'to! Goon- □dua' -mü kö -a bōo -dho -ya kē; kö □kun 'ō 'ka -an 'yēnng bhō!

20 'Nē -nu, -ka 'wun ma ka 'kpōme -nu -ta, pē 'saadhō 'plē 'gü! Bhii -a -kē 'dhō -sü -yō -dhi -Zlan -dhē, me 'ō 'ka -klu -sü 'ka kwa Dēme -bha ka -bha 'ka.

21 'Nē dē -nu, kö □kun 'ka -we 'nē -dhē -kplawo -kplawo! □Ya kē 'dhō, -an 'gü dho ga ka -wun 'ka □tēē' □tēēdhō.

22 □Nua -nu, -ka 'wun ma ka -gōme -nu -ta, pē 'saadhō 'plē 'gü! Kö □kun 'ka me -nu 'yan 'dhiō -yuō -kē kö -waan ka -wun -sē □blēē', 'kēē -ka kaa- yuō kē □zuō' 'puu 'ka □ne -ko 'ō me -nu 'ka kwa Dēme □bhlē kpō 'ō ka -ma kuēn bhē -a 'dhō.

23 -Yō -kē yuō □suu'- 'oo □suu'- 'wo- nu ka -dhē -a 'ka, -kaa kē ka □faan' 'plēsēn 'ka □ne -ko 'ō 'ka kwa Dēme -bha yuō □kaa' -a 'dhō!

24 Bhii ka -gōme giagia 'ō 'ka yuō kē -na -a -dhē bhē, 'ō tōo Klito; yō □ne 'ō dho ka 'kian 'ō -kē pē 'ō -Zlan -ya -ya ö -bha 'sēgūme -nu -gō bhē -a nu ka -dhē.

25 Bhii 'wun yaakēme -nu 'wo bhē, -Zlan -yō -dho -a bho -an -gō, yō □ga tōo 'yaa me gbe -zē 'gü.

4

1 -Gōme -nu, pē 'ō ka -bha □nua -nu □dua' 'ka, -kaa kē -an -dhē ö 'plē 'ka! Bhii -yō kē ka 'yaan □ne ka -de 'pō, ka -gōme -yō -dhō; -yō dhang- 'gü.

² -Ka 'dho 'dhiö -bhea -Zlan -dhë -sü 'ka -kplawo! Kö □kun ka 'gü -yö ga -Zlan zuö pö -sü 'ka!

³ □Bhea' -sü 'ö 'dhö bhë, ka- wo -na, -kaa wo yi -wun 'gü 'pö, kö -Zlan -yaan zian 'dhi 'po yi -gö kö 'yiën- -a -wo □blæ'- me -nu -dhë, pë 'ö -gban Klito -bha 'ö -bin -sü 'ka kö 'yiën- -a -gen pö me -nu -dhë. Bhii pë 'a- -kë -kanso 'kooðhö zö 'ö bhë.

⁴ -Ka □bhea' 'dhö kö pë 'ö -kë -bin -sü 'ka bhë 'aan- -a □blæ'- me -nu -dhë kö -waan -a -gen ma 'papadhö; bhii yuö 'ö -Zlan -ya 'kluën bho n -ma 'ö bhë.

⁵ -Ka kë 'kpaakpa me -nu 'ö 'waa Klito -wun -dhe 'wun gia- bhë -an 'piö! 'Ö □ya kë □ne kaa- me -nu 'wo bhë, 'ka kë ka 'ko □bhaa, kö □kun 'ka- -kë 'ö 'töng bhë 'ö -ziö ka -ta 'kpaan 'wawa, 'kæ -ka -Zlan -wo □blæ'- -an -dhë!

⁶ Ka 'wun □blæ'- -na, ka 'dhi -wo -nu -wo kë -së, -a din -yö 'to me -nu 'dhii! 'Ka 'wun -nu -daa kë me -nu -gö □ne -kö 'ö- 'yi dho -kan -a 'ka -Zlan 'dhi -a 'dhö!

Polö -nu -bha -we Koloso -me -nu 'ka -sü

⁷ Tisikö, kwa dheglu 'nëgöonzë 'ö -kë Yesu -bha me -nu -bha yuökëme -to -wo 'gü -sü -zë 'ka, 'ö -kë n yuökëyö 'ka kwa Dëme -bha yuö 'gü bhë, yö □ne 'ö 'wun 'ö -gban n -ma, 'ö dho -a 'plæ □blæ'- ka -dhë.

⁸ A- -bo ka -dhë 'dhö kö ka □faan' -yaan 'më yi -bha -tosiadhe -nu 'ö 'yi- kë -na 'nö bhë -a □blæ'- 'ö 'dhoë- wo ka -dhë bhë -a -wun 'gü.

⁹ Onezimë 'ö -kë kwa dheglu 'nëgöonzë -to -wo 'gü -sü -zë 'ka, 'ö -kë Koloso 'në 'ka bhë, 'ö waa-

Tisikö 'wo dho nu ka 'piö 'wun 'saadhö 'ö kë -na zö, 'ö -gban yi -bha -a 'ka bhë.

10 Alitaakö 'ö yi -nu 'yi -kanso 'kɔɔdhö zö bhë, □ya 'we kaa! Maakö 'ö -kë Baanabasö dë dheglu -bha 'në 'ka bhë, □ya 'we kaa 'pö! □Ya kë □ne □ya nu ka 'piö 'ma, -kaa -nia 'kun -së 'ka □ne -kɔ 'a ka 'paan bhoë bhë -a 'dhö!

11 Yesu 'wo- -dhe -na Zutusö bhë, □ya 'we kaa 'pö. Zuifö -nu □plëezë 'wo Yesu -wun -dhe 'wun gia- bhë -a me -yaaga 'kpaan □ne 'ö yi -nu 'yi -Zlan -bha -gludëdhë kë -sü -yuö kë -na. -An -bha yuö -kë n 'piö -sü 'ö bhë, -ya -kë 'ö n □faan' -yö më □duö.

12 Epaflasö, ka -de -gɔ 'sɛ 'gü 'në, □ya 'we kaa! Yesu Klito -bha yuökëme -mü -a 'ka. -A 'gü 'yaa ga 'gbëdhö □bhëa' ka -wun 'gü □faan' □va 'ka -a 'ka. -Yö □bhëa' -'dhö kö 'kaan- dɔ ka -bha -zo -yö -Zlan -bha -sü 'gü, 'iin 'zü kö 'kaan- kë me -kiansü 'ka -Zlan -bha zian -ta. 'Go mü zü kö 'kaan- -Zlan -zo 'kun -wun 'plesen dɔ 'fëfëdhö kö 'kaan- 'we -a kë -sü -bha.

13 A -mɔa -bha kö 'a -tɔmɔdhe kë Epaflasö -bha -a pö -sü 'ka □nɛɛ: -Yö ö □faan' 'plɛ -sü 'ö □bhëa -a 'ka, ka 'dhö, -Zlan -bha me -nu 'wo Laodise waa- -an me -nu 'ö 'wo Ilapolisö ka 'plɛ ka -wun 'gü.

14 Lukö, kwa -bha □dhongtrɔ 'glusëezë waa- Demasö □wa 'we kaa!

15 'Ma 'we kwa dhegluzë -nu 'wo Klito 'gü 'ö 'wo Laodise -an 'ka! 'Ma 'we Nefa waa- -Zlan -bha me -nu 'wo bhɔ 'kuë- kë -na -a -gɔ kɔɔ bhë -an 'ka!

16 □Ya kë □ne 'sëedhe 'ö □ne 'ka yën -a pö -sü -bha, -ka ka -zo kë -a 'piö kö 'kaan- -a bɔ -Zlan -bha me -nu 'wo Laodise -an -dhë, kö wo -de 'pö

-waan -a pö. Laodise -mε -nu -bha 'a- bɔ -an -dhë
bhë, -wo -dho -a bɔ ka -dhë; -kaa pö 'pö!

¹⁷ □Ya 'go mü, -kaa pö Asipö -dhë □nε kwa
Dēmε -bha yuö 'ö- 'kluën -yö bho -a -bha bhë,
-yö ö -zo kë -a 'piö, -ya kë -së 'ka!

¹⁸ □Wekawo 'ö □nε n -de -kɔ pin giagia -mü:
Ma Pɔlö, 'ma 'we kaa! Kö □kun 'ö ka -zlö -yö -trö
□nε a □tun -kanso 'kɔɔdhö!

-Zlan -yö 'dhuë- kɔ ka -bha!

'WUN SĚ -NAǾ 'SĚĚDHĚ

Dan: 'WUN SĚ -NAǾ 'SĚĚDHĚ New Testament

copyright © 1991 Wycliffe Bible Translators, Inc.

Language: Dan

Dialect: Western

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 18 Apr 2025 from source files dated 29 Jan 2022

74f67de7-5f93-5988-92e9-b1a45247636e